

BILTEN

ANNA LINDH FONDACIJA BOSANSKOHERCEGOVAČKE MREŽE

Broj 9

Avgust – septembar
2024.



Dragi prijatelji/ce,

Pred vama je deveto izdanje Informatora bosanskohercegovačke Mreže Anna Lindh Fondacije. (avgust - septembar 2024.)

U njemu se nalaze informacije o aktivnostima članica ALF BiH, informacije koje dobijamo od Sekretarijata ALF, pozivi za aktivnosti, projekte, partnerstva itd...


Informatore za sada izlazi na bosanskom-srpskom-hrvatskom jeziku.

Ukoliko želite podijeliti informacije o vašim aktivnostima za naredne brojeve informatora, možete ih slati na: orcuzla@bih.net.ba

Uživajte u čitanju!

U OVOM BROJU:

- Film „Djeda Mraz u Bosni“ otvara 13. Tuzla Film Festival;
- Tuzla Live - Počeo je upis u Tuzla Rock School školsku 2024/2025 rock godinu;
- IMTM Sarajevo - **KONCERTNO IZVOĐENJE KABAREA "AT THE BALLET"**
- PCRC Sarajevo - Prevazilaženje granica sa mladima Zapadnog Balkana
- GKM VITEZ - Predstavom "Žaba" SKM Slavonski Brod nastavljaju se kazališni dani



TFF Tuzla - Film „Djeda Mraz u Bosni“ otvara 13. Tuzla Film Festival

Sa velikim zadovoljstvom najavljujemo početak 13. Tuzla Film Festivala - južnoslavenskog filma, koji će trajati od 18. do 22. oktobra u Narodnom pozorištu Tuzla. Festival će svečano otvoriti film "Djeda Mraz u Bosni" u režiji Emira Kapetanovića, prema scenariju Vahida Durakovića i Emira Kapetanovića. Glavne uloge: Mirvad Kurić, Zana Marjanović, Miraj Grbić.

Kao i prethodnih godina, festival će obuhvatiti bogat program radionica, druženja sa glumcima i rediteljima, te raznovrsne aktivnosti koje će okupiti ljubitelje filmske umjetnosti. Druga polovina oktobra bit će obogaćena sadržajima u organizaciji Magic Factory, Eventusa i Human, a pored Tuzla Film Festivala, održat će se i 6. Kids Film Festival, 26. Međunarodni festival dokumentarnog filma, te 6. Underground Music Festival.

U sklopu Tuzla Film Festivala bit će prikazani filmovi u šest kategorija: dugometražni igrani filmovi, kratki filmovi, dokumentarni, animirani filmovi, future generation shorts, te posebni sadržaji za djecu i mlade.



bit će nagrađen Vilom Tuzla Film Festivala. Za one koji nisu u mogućnosti prisustvovati projekcijama uživo, neki od filmova će biti dostupni i na online platformi www.tuzlafilmfestival.com.

Festival se održava uz podršku Federalnog ministarstva kulture, sporta i mladih, Ministarstva kulture, sporta i mladih Tuzlanskog kantona, Ministarstva za kulturu i sport Kantona Sarajevo, Turističke zajednice Grada Tuzla, Turističke zajednice Tuzlanskog kantona, Radija Kameleon, Narodnog pozorišta Tuzla, Centra za kulturu Tuzla i BIT Centra Tuzla.

Pozivamo sve ljubitelje filma da nam se pridruže i uživaju u raznovrsnom programu koji smo pripremili. Vidimo se na 13. Tuzla Film Festivalu!



13. Tuzla Film Festival **TAKMIČARSKI PROGRAM**

Narodno pozorište

Petak, 18. 10. 2024.

19:00 - *Ceremonija otvaranja - Djeda Mraz u Bosni*, reditelj Emir Kapetanović; producent Jasmin Duraković

Subota, 19. 10. 2024.

19:00 - *Megdan: Između vode i vatre*, reditelj Todor Chapkanov; producent: Aleksandar Balašević

21:00 - *Svemu dođe kraj*, reditelj Rajko Grlić; Producent: Ivan Maloča

Nedjelja, 20. 10. 2024.

19:00 - *Živi i zdravi*, reditelj i producent Ivan Marinović

21:00 - *Sveta obitelj*, rediteljica Vlatka Vorkapić, producent Ivan Maloča

Ponedjeljak, 21. 10. 2024.

19:00 - *Čovjek koji nije mogao šutjeti*, reditelj Nebojša Slijepčević (kratki igrani)

Film - *Među Bogovima*, reditelj Vuk Ršumović, producent Mirko Bojović

Utorak, 22. 10. 2024.

19:00 - *Dani Ludila*, reditelj Boris Balta (kratki igrani)

Film - *Čuvari Formule*, reditelj i producent Dragan Bjelogrić

6. KIDS FILM FESTIVAL

Narodno pozorište Tuzla

Subota, 19. 10. 2024.

11:00 - *Dnevnik Pauline P.* reditelj Neven Hitrec

Nedjelja, 20. 10. 2024.

11:00 - *Dnevnik Pauline P.* reditelj Neven Hitrec

26. Međunarodni festival dokumentarnog filma

Narodno pozorište Tuzla

Subota, 19. 10. 2024.

17:00 - *Hassanovi ratovi*, reditelj Robert Bubalo

Nedjelja, 20. 10. 2024.

16:00 - *Konjuh zove, Kraton revolucija*

17:15 - *Mistični kanjon Rakitnice*, rediteljica Rubina Čengić

Ponedjeljak, 21. 10. 2024.

17:00 - *Tihi Skitnica*, reditelj Zdenko Jurilj

Utorak, 22. 10. 2024.

17:00 - *GranpaGuru*, reditelj Silvija Mirošničenka

Tuzla Live - Počeo je upis u Tuzla Rock School školsku 2024/2025 rock godinu

Ako želite da naučite ili usavršite sviranje, pjevanje, audio produciranje, organizovanje događaja, baratanje opremom i instrumentima ... te aktivno učestvujete u muzičkom stvaralaštvu, kao solo artist ili unutar grupe, onda "Tuzla Rock School" ima program za vas - upišite se.

Poslije testnog i veoma uspješnog probnog ciklusa implementiranog ovoga ljeta (foto/video <https://bit.ly/TRSsLjet24>), Udruženje "Tuzla Live", zajedno sa saradincima Udruženjem "Alternativna Produkcija" i klubom "Baza", objavljuje početak upisa u "Tuzla Rock School" program za 2024/25 godinu, jedinstveni edukativni program za sve zainteresovane i motivirane polaznike.

"Tuzla Rock School" nudi obrazovne programe za slijedeće instrumente / smjerove i dodatne sadržaje poput:

Bubnjevi, Gitara, Bas Gitara, Klavijaturea, Pjevanje /vokal/, Audio produkciju
Šest sati mjesečno za samostalne vježbe u opremljenoj prostoriji za probe
Priliku za nastupanjem na Session Band koncertima

Radionice (razne: tematske, praktične, strukovne)

Masterclass prezentacije i seminare


Jamm session termine svake sedmice

Popust na kupovinu instrumenata/opreme od 15-20% u Yamaha Promet d.o.o. itd.


Prijave su otvorene do 11.10.2024.g. za sve osobe u dobi od oko 10 punih godina života pa na više.

Svi detalji oko upisa i programa se nalaze na ovom [linku](#) ili preko telefona 062.761.331, a za prijavu je potrebno je da ispunite ovaj online formular.

Da li ste spremni za ovaj izazov, avanturu?!? Prijavite se i dođite da se družimo, učimo, stvaramo i zabavljamo!



IMTM Sarajevo - KONCERTNO IZVOĐENJE KABAREA "AT THE BALLET"



U prepunoj bašti Muzeja književnosti i pozorišne umjetnosti 05.09. je izvedena koncertna verzija kabarea „At the Ballet“, u produkciji Udruženja iMTM iz Sarajeva i u muzičkoj režiji doc. Alme Ferović Fazlić. Na repertoaru su bili najpopularniji dueti i terceti iz svjetskog repertoara muzičkog teatra među kojima su tzv. „show stoppers“ iz mjuzikla A Chorus line, Company, Sweet Charity, Waitress, Guys and Dolls, Chess, Annie, Seesaw, She loves me i Personals.

Uz klavirsku pratnju dirigenta Bakira Samardžića igrali su: Ana Marija Tomić, Hana Zrno, Sara Vojičić, Ajnsela Zoronjić, Irma Mulić, Melisa Hajrulahović Tomić i Alma Ferović Fazlić kao i narator glumac Enes Kozličić.

Naredno igranje u formi kabaretske predstave sa fokusom na scenski pokret, koji će osmisliti doc. Irma Alimanović Alihodžić zakazano je za 28. oktobar u novootvorenom Multimedijalnom centru kulture CZK u

Sarajevu. Projekt su podržali Visit Sarajevo, Ministarstvo kulture i sporta KS, Federalno ministarstvo kulture i sporta i Općina Stari Grad.




PCRC Sarajevo - Prevazilaženje granica sa mladima Zapadnog Balkana



U augustu je završena druga Omladinska akademija „Stanje mira“ na kojoj je učestvovalo 50 mladih ljudi iz Bosne i Hercegovine, Hrvatske, Srbije i Crne Gore. U organizaciji Evropske unije u Bosni i Hercegovini u saradnji sa Centrom za postkonfliktna istraživanja, akademija je drugu godinu za redom aktivno uključila mlade Zapadnog Balkana u proces pomirenja.

Događaj je počeo interaktivnom pozorišnom predstavom Gradskog kazališta Vitez i studijskom posjetom Travniku, gdje su učesnici posjetili Hadži Ali-begovu džamiju, crkvu Svetog Alojzija Gonzage, pravoslavnu crkvu Uspenja Presvete Bogorodice te Travničku tvrđavu i kuću Ive

Andrića. Ostatak programa donio je interaktivne diskusije i radionice na teme regionalnih pristupa izgradnji mira, suočavanja s prošlošću i aktivizma mladih.




Deset godina Balkan Diskursa: Novi poziv za mlade

Centar za postkonfliktna istraživanja (CPI) poziva mlade ljude iz Bosne i Hercegovine da učestvuju na desetom Balkan Diskurs treningu i programu mentorstva za omladinske dopisnike koji će se održati od 31. oktobra do 4. novembra u Vitezu, BiH.

Prvi dio treninga, u saradnji sa urednicima i novinarima Balkan Diskursa, će se fokusirati na edukaciju učesnika o tehnikama istraživačkog i građanskog novinarstva, pravičnom i uravnoteženom izvještavanju, provjeri činjenica i tehnikama intervjuja. Drugi dio treninga, u saradnji sa fotografima i umjetnicima iz stručne mreže CPI, će se fokusirati na korištenje fotografije i vizualnog storytelling-a za proaktivno izazivanje negativnih stereotipa i predrasuda prema drugim etničkim i manjinskim grupama u BiH.

Rok za prijave na trening je 15. oktobar 2024. godine do 23.59h a više informacija pronađite na [linku](#).

7



GKM VITEZ - Predstavom "Žaba" SKM Slavonski Brod nastavljaju se kazališni dani

U produkciji **Satiričkog kazališta mladih Slavonski Brod** u subotu, 5.10. 2024. godine, na 16. Dane kazališta u Vitezu stiže predstava "Žaba". Predstava će biti odigrana u Kazališnoj dvorani Vitez, s početkom u 19,00 sati.

"Žaba", autora **Dubravka Mihanovića**, višestruko nagrađivan, preveden i izvođen tekst, i 19 godina nakon nastanka jednako je aktualna priča o prepoznatljivim ljudima koji se teško prilagođavaju vremenima izvrsnih vrijednosti. Drama se odvija u briačnici na Badnju večer, što dodatno naglašava osamljenost i osobne drame četvorice muškaraca koji se susreću u njoj. Nedostatak komunikacije i empatije, otuđenost u svijetu površnosti i lažnog uspjeha, borba u pokušajima bliskosti, sabijaju se u virtuozno napisanu dramu koja se, uz neočekivane obrate, pretvara u psihološki triler.

Redatelj je **Silvio Stilinović**, a pomoćnik redatelja **Saša Karić**.

U predstavi igraju **Ivan Knežević**, **Slavko Radovanović**, **Moreno Mijatović** i **Silvio Stilinović**.

Organizator kazališnih dana u Vitezu je **Gradsko kazalište mladih Vitez**, u suradnji s **Udrugom mladih "Enter"**, a pokrovitelji su **Federalno ministarstvo kulture i športa** te **Ministarstvo obrazovanja, znanosti, mladih, kulture i športa KSB**.

